

沅
湘
耆
舊
集

沅湘耆舊集卷第一百七十一

新化鄧顯鶴湘臯編輯

湘陰左宗植青垣校訂

句任子紹業

五首

紹業字子毅道州人四品廕生候選縣主簿文安公之次子也文安有四子皆以文學名於時子毅與其兄子貞爲學生工書善畫篆刻尤妙多能好學亦子貞之亞也體羸善病文安公於諸子中尤愛憐之先文安數月卒有集未見故所錄止此

偕性農登輞光

白日破陰曠遊興山遙聲出門過亭午勝境曲與穿乍過

沙洲集卷第一 下七十一
淨慈寺初造雲林前詭嫌駭何始緩步期窮癖蒼涼忽無
影翠竹深韜天幽奇不可出衣帶搜寒煙是何萬古綠迢
落茲山顛危亭且分坐濯手探瀑懸靜息收衆妙俯瞰南
溟邊涼颼偶泛拂四山遞簫絃倉卒得至樂一日支十年
登高望遠海長誦青蓮篇

雜詩

昔有失意人詠此抹利花一言再三歎相對長咨嗟素色
綴明玉薰香薄綺紗故歡小兒女珍重鬢邊斜

庭院到新暑雨多梔子肥重重卷素心深恐知者稀愛此
綠陰滿將來朝日暉君看蜀葵下蜂蝶已紛飛

題畫

楓葉夾青松明霞掩映中湖山秋後色從此不雷同

又一首

遠煙澄翠欲生波天意矜秋盡洗磨紅葉青松都看遍讓
他竹礪白雲多

陶秀才縉

五首

縉字子晉安化人諸生文毅公之弟也文毅止一

弟友愛暴鶻早卒文毅哀之有石潭遺草未見僅

從資江集選存數首并錄文毅哀詞於左

印心石屋文鈔

亡弟子晉京師序略云幼伯家落歲且歎府君攜
余館於外諸弟號稱學業一載輒廢嘗隨先母
黃安人持篲採桑置以食行坐靡不依周氏妹尙
乳則強負之與人可哉謂曰爾與妹吾子也阿兄
爾父之子也嗚呼語雖諧其尤可哀也已未幾安
人棄世府君力諒理安化學宮事旋館益陽養殯

給於人勢不能以兩子往故弟雖廢學與諸從兄
之業終所歸父兄弟暫聚若搏沙而已歲戊
午弟年十八忽感激發憤欲讀書自春徂夏
書詩三經咄咄嗟窮日夜不休或府君為他生講解
乃綴讀頃聽為領百狀詰之則耳獲者已兼數人
之業矣隨執筆為文兩月即成篇斧藻經語滔滔
汨汨不假繩削而合府君大驚喜曰家有名士而
不知吾過矣戊辰仲夏弟始赴院試未售其秋余
挈眷北上弟送至長沙揮淚而別余為賦詩數章
明年入縣學為弟子員余寄詩曰能持門戶應憐
爾畢竟詩書不誤人蓋深幸弟之能自成也庚
午秋余典蜀試歸道三峽弟徒步數百里候余於
荊州作竟夕談次早復徒步別去潯潯然悵落不
止自此不復見矣痛哉弟為人質直寡言肫誠無
偽有所可否雖貴育不能過人畏其慙久而深與
之親也歿年三十有二

村居雜興

江上青廬在桀英跡未陳千年此喬木五柳舊比鄰白澗

連朝熟黃衣古製循嘯歌容尺地佳景樂長新

林密能藏日山高不斷雲水生魚自樂花落草猶芳蒼翠
依松友斑斕認竹君提壺村外鳥幾處勸殷勤

深居臨渡口來往閱人行小艇乘煙出孤帆破浪輕魚鹽
山市計飢溺世閒情何似沙鷗侶江空浩蕩生

埽徑披莎暗開門對柳臨桃花晴後雨深巷午時煙牆漬
苔成字江空月上弦時聞蘆笛發歸牧晚風前

赴荊州謁晤子霖兄時兄典試四川歸途由此赴京
也

聞兄三峽至徒步向荊州遠道一爲晤相逢仍許愁剪鐙
風雨夜把盞菊萸秋此夕連牀語臨岐意未休

沅湘耆舊集

卷第一百七十一

三

歐陽秀才蔡

五十四首

蔡宇迪來新化人廩生吾友礪東之子礪東性卞
急教子嚴迪來跡弛不羈礪東痛懲之不能改也
積失親歡漸不見容余兄弟每從容調解或時其
乏而周之礪東必怒我迪來亦不感也未幾卒礪
東雖無戚容然神則傷矣有詩一卷其友晏啟林
叔立私弄授余已登絕句數首於資江集矣頃從
敗簾中檢出叔立所授本閱之奇情幽思躍躍豪
端不愧名父之子似有不容終滅者爲增錄古今
體數十首入斯集時礪東墓有宿草矣爲之慨然

仙遊

有客貌奇古自稱天皇民叱杖化龍起墜我東海濱自稱
亦已花衙衙聚遊鱗側見翠鳥飛俯鳴啄珠塵陟島構精
舍石繡古不新孤日作微暖終歲如初春鑿巖得天酒笑
云此味醇一飲可百斗一醉經千旬曩汝亦此家汝命終
隱淪觀汝骨珊珊汝何戀俗因賤子拜稽首上有垂老親
下有垂髫子奚所逃其身顯達縱我棄其班堯舜臣亦思
謀事畜豈使悲萍倫他時盡此志卽當走駿駿於世豈有
望與公修我眞

雜詩

青蒿偃斥鷃決羽籥籬東綠繡爬肥蝦僭腹井甃中予聞
洞庭奧蛟龍潛所宮曉曦帝次海氣魂光熊熊

大耳所最幽蛩以大夏誇百萬螭頭民拓壤死載車詎知
齊州大邦許私一沙亘古亦多人既逝誰還家

殷彭壽孔厚漢殤壽亦高生固依草野死終息蓬蒿誰言
六合外百歲遠遁逃杳杳皇初民穴土今相遭

姮娥昔竊藥西奔明月中羿能射日死何不張其弓美豔
豈甚惜恩情良靡窮惘惘遠離色一痛銷英雄

義皇創爲圖蒼帝釐爲書上天雨粟時鬼何泣古初奇才
半儒冠老死誤窮廬豈先我曹悲啾啾慘不舒

捫腹貯經史搖腕落文章謂此世無匹前席驕帝王緬思
結繩代民治胡雍康聖學大明德孔氏參吳蒼

吳蒼腹西裂日月還無家白虎五十星夜隕將爲沙踏空

補之半厭惟帝女媧遂古此絕能一奇何足誇

我欲躋稽山俯釣東海魚百牯質雙餌乃見蛟螭茹哀哉
衆所貪神物遭剗除不利潛利中造化汝何狙

六合不周覽領日騰暝痕自刪帝鬼書古源絕泡渾憾非
定哀儒披策羅義軒更學女媧腸變化窮奧坤

儵叟能百戰老以貧休林雨矢日招予縱射巴山深垂楊
嚙左肘勁柏森中心裏華古所難還須昏夜金

餒不挾魚乙毒不卷蠶丁感顙怵飛鵲似之羞螟蛉浩吾
萬里鷗白晝沒江汀曉暝清如蟬夜行皎如螢

予愛木野人不襪亦不巾枕別寢斜日高夢義皇淳偶醒
過我談結跌南榻塵驕兒怒索飯當客嘯笑薪

宵祟

夕雲纏空昊偶綴三五星塌棺撞燐散冷暎鬼骨聲驟雨
夜如磐哀風昏不停遠松喚孤鳥叢篠黏亂螢幽曠此誰
室主人爲敗局啜我瓦缶羹焦矢雜鼪鼯羌已半腹支刺
齒猶臊脾掛我孤榻宿張我兩目醒殘鐙細顆豆綠燼延
餘熒頽然裂窗壁巨響驚雷霆注視復何物而有立於庭
而有嘯於梁鬼骨陰冥冥我問鬼無聲又聞鬼無形此語
豈或誣抑亦爲妖靈我起急索衣穴牆犇郊垌摩肩觸干
栗憂藹敲萬鈴匪云創不若履危惕古經曉望昨投處滿
地莓苔青

泊枉渚

畏寇潛不火畏虎噤不聲寂寂泊枉渚黑夜風雨生我疑
陰篠內溼暗鬼所城遙於電光激鬚影詫繁擗老夫有濁
醪肅立爲爾傾嗚呼客身難慎勿崇其行若有山阿來薜
荔斜腰繫肥癩耳扇肩踞鼻蒼蠅鳴流螢向我拾冷燼悽
我情期期揖我言詔我姑勿驚此雖甚鬼窟竊徑啾狸鼯
此是虞舜祠靈氣千載貞因憶鳳儀代恭已化黎氓日星
耿華裳綵霞歌相賡忽聞馭龍去笙簧天帝京孰知南巡
魄荒嶠親酒葵桑也一腐儒猥以倣物名舉世厚訾誚貧
賤合固嬰豈非岐嶢骨天使埋榛荆幼時汝同學居然盡
臺卿客語未局齒我淚已寒晴不覺畢生憤澎腹摩挐銓
仰天發長歎皓月不敢明彼蒼固如磐爲我頽雪橫

酷熱

東西秦華遙南北衡恆隔火雲生碧空大熱安所適野鳥
懼都林老木胥皮赤池塘僅勺水巨魚爛枯石買來玉壺
春一醉困頗劇忽忽御風行飄墮華胥場古洞浮冷泉蒼
徑入幽僻蚤晚少驕陽仲夏霜雪積此中有至人窈吻坐
局液遺我以粒丸滿目旋金碧知鍊幾許年近亦累千百
此真上仙藥食之沁肝膈搗以投湖江願飲普天宅酷暑
丁我躬雖死逕何惜

移樹

黑蟲化衰草噴毒如火燔頽然者何樹被嚙根僅存拔之
栽松旁積土培其根旣蒙雨露濡旭日爲之暄綠葉綴鋗

枝夜彫斜松根有如枯澗蛟得水欲騰奔我來暫止息豈
知德反怨流血赤我手惡刺生何繁烈烈晚風作祛我病
骨溫飛塵亦濛濛眯我雙目昏誓將斬汝去恐傷松柏尊
對汝雙淚垂吞聲弗敢言

簡趙二川茂才

東南有修林許我一枝宿豈意鳳所都怪鳥所必逐能哲
遜海鵬誰爲臧氏祝直曰賈生妖不祥擬山鵬老鷺帝輟
嘯大笑汝何元昌黎筭其矢識非訓狐族侈則蒙叟幻北
溟厭鯢伏辱則凋父勞毋乃鸛之鶴我羽徒鷹揚我足豈
鳬續我音雖曉曉荒山木枯啄渺彼蜩與鳩藩籬聽其屋
斥鷃翔蒿間轉苦擇嘉木秋雁驕我肥稻粱累升穀矧我

紇干雀被凍勢維谷我誓首鵠鵠鬼以齒人肉不然碧火
鴟噴燒所盲目惜非神變腸闢國帝媧腹狡哉造化兒愚
我枉多讀洞以夏后漿餒以神農穀買舟帆幽海借馬鞭
廣陸拾取所衆棄神亦不我福昊蒼古至仁栩栩茂而育
獨我儻怒生其餘不私覆我將穴天出俯或拗地軸斯世
任夜臺挈族屏馳驚

夜登獨秀峯

高峯梯昊空誰此建層樓恂怳窮其巔兩足頽雲浮仰視
河漢波震盪眾西流女媧石綻裂天帝心哀愁白日鞭血
出陽光怒藏收叱使顧魄下眾星毋肯謀居然以微芒燦
燦垂冥罔瑤闕扇不開蓬絮

自注寄星名
見天文志

彌天周我將舉

健翮飛近斗與牛東招滄海烏懸以珊瑚鉤誰啖玉狗至
死無提彌讎深匿白榆閒猶聞肆窮搜忽拾靈蟾蜍炯炯
寒我眸王母顧之笑木公不敢畱俯墮紅塵寰一瀉漏銀
漚男女競階顙疑是天仙遊惜哉寡奇術壽汝千百秋我
亦爲爾憐我還與爾儔

頽屋吟

頽屋無人雉荒茸秋深滿地聽幽螭親知終茂不投墮白
晝嘯梁鬼相恐予但豪吟卻塵尤詩思墜磨遂孤聾萬絲
一一抽蠶蛹轟雷裂瓦震頭腫峭崖之立江之湄奇光陸
離古圭珙此師克敵望咸悚直可揮戈兼蜀隴吁哉膚奏
上聞墜例犯資罪宜徇饟若束之鐵囚以孥赦貧帝詔古

弗捧丈夫灰卻少年勇贏得垂頭髮種種兩足怪同毆驚
聞此身自晒鴻毛重老病那能牛革鞞那復人間羨恩寵
闕來北望却山豕餒魂夜泣松楸拱富貴生前百城擁瓦
缶殘羹死誰奉

磨刀行

并序

桃榔溪血石屹立先民云補天之石久而墮焉其說頗
不稽姑因之此石常以須磨勵者感而有詩

桃榔溪水東滔滔怒風旋波龍夜號萬雷轟雲革鼓操電
火礮礮攢旌旄我聞媧皇補石牢天西莓蘚枯吹毛於菟
西墮不敢逃終古耽視矜所嘖豈知大劫朽漫遭衆石星
隨沈洪濤其一皴裂微血臊既忽躍出溪沙淘誰家少子

乃在張繡鞍赭馬銀花袍當溪劇飲誇吾曹酒酣起舞得刀手石摩挲罪屑高生平之學略與韜雄騁萬敵慨千般叱咤海穴尸鯨鼈矧艾藜藿芟蓬蒿款邊崩角師誰磨封狼居胥牧臨洮南收白雉西貢葵齊州一宅膠羣器凡所梗翳靡弗薙吁嗟哉丈夫一官非濫叨報君至此功方豪君看廟社古建勞迄今史乘騰華褒我亦滿腹堆牢騷豈忍苟活居諸惛臣身於國犛牛豪頑然伴食徒老饕

蝮蛇行

我行南山頭望見海水連山浮手握長劍磨碧流如輪之蛇波上遊蝮蛇創衝毒波散曉化炎雲上霄漢南山枯頽白石爛滿地蛟螭各犇竄水之君兮爲汝醜拔劍怒斬蝮

蛇首衙衙魚子鯉獨奇不久騰身駭螭鰐君看萬丈波濤
懸雷雨驟至南山前南山蝮蛇何時還東海鯉魚飛上天
橫州貴縣之交有將軍灘漢伏波廟屹立其上游泊
舟入謁感而有詩

一水奔流橫嶺東嘯沙老樹生怒風巨濤翻天碎春石萬
龍畫圖曉巖中舵奴倒推鐵三角拳足左拜心忡忡紙金
出火擲狼藉紛紛呼籲哀聲同將軍將軍漢無匹一軍勁
掃交南通神弓萬里射能到至今臥矢摩青銅南歸飲馬
駐此岸水夷河伯逃幽猷轟轟烈氣射水府萬古變作灘
波雄我來會卒乏雞犬自注舟人上下此灘者一匹敬獻
龍高廳自注予校昌齡過洞廟中仰首暫觀望顏色依然

嬰鑠翁

秋日登崇陽山放歌

君不見崇陽之山俯瞰濱江浩白楊蕭蕭秋葉老秋風日
冷吹枯草古墓塋井幾人埽多年累石成官道啞啞饑鳥
嘯懊惱卻共鵞鵝夜深造惻惻戴土蹴踏倒露爾龍蝦惡
焦稿嗟哉吾曹美容好咀以珍奇曳纖縞不思鬼促桑林
考石擲銅棺竟誰保何如玉白元霜搗食之鼓臂飛清臭
舊鄰更挾酒家媼一壺栖息蓬萊島

杜鵑行

君不見蜀天子化爲怨鳥春呼鳴夜夜夜深歸不去惟看
冷月支殘更朱冠黑羽降前殿錦城父老紛奔迎劇當晚

拜泣如雨獨傷豔骨餐腥髓昔年粉黛竟如土今日樓臺
空復情吁嗟哉美人不歸悵已矣西南飛入山崢嶸蜀山
萬古帝魂在幽憾盡付哀嘯聲斑斑血痕染山亦可憐花
草春不榮至今風雨使我驚帝魂夜夜山頭行百鳥護侍
如至尊臣葵藿首竭所誠願下帝詔頒荆衡召問帝驚靈
可生斧其三足孤爬撈如天之憾帝以平帝乎帝乎毋哀
鳴

海鯨歌 有序

夜泊潯州水次聞舟人談海事盛稱鯨最巨且怪然亦
有獲而食者乃歎神物之難保其身尙如此

雙鳧臨嵩頂遊歷乃不卑片席揚瀛洲觀水庶寡遺我聞

海中靈怪颺狂然羅羅然厥名不得知或獸形而號角
或人面而鬚眉洪濤相舂撞巨石粉骨天龜皮但看馬銜
出天吳嬉戲谷閃閃堆蛟螭千年老蚪怒飛去風雨晝徙
珠淵影紛紛詭變不知數爬沙崛強行蛟蛟狂生縱眼豈
加崇抑藉犀角燒光窺惟龍至靈見有時惟魚萬類鯨尤
奇大者負天天仄歛小者背骨高九嶷舉頭噴沫潮消遲
倒洗雲落摧日規腮毛森鍼目嵌鏡吻牙擺劍噉簸箕啖
之干牛腹不足食魚巨萬朝相隨鼉鼉鼉滿地死奚論
蜃蚌蠓蝦爲有時奮與赤龍鬪天風震蕩雷鼓疲海舟如
山大旗偃恐爲所吞不敢移昔者眞宰育此物諒非無意
徒蕃滋豈知健兒左袖推醉以醇酒使力衰右擊其腦拔

其鬻乃竅厥吻繫委蛇乃割其肉馱驪騮廉欽萬戶飽不
飢嗚呼網羅結絲絲網橫世路皆險巇如此神物亦遭獲
况我孤身恃者誰我身茫茫恃者誰萬里孤行能不危

伏中熱甚偶趨山僧召卽題其居

炎空無雲旱太甚萬竅流膏似烹飪直須剝膚况結在夸
父眞僂渭波飲何來老僧忽我諗松篠環山作秋凜青鞵
其蹴莓苔錦深駭所歷非素稔謂我偃桑三尺甚啖之毛
骨堅舊稟延年那藉充倉廩謂我姑支色陵枕幽軒晚趁
好風寢况復凝雲騰墨瀋冷然一雨衆囂噤人間此地瀛
洲審更誇何處神仙品

瓦雀行

君不見郭雀兒耳珠一粒如黍垂雀兒忽啄耳後黍中州
天子非公誰又不見紇干雪凍雀不飛生處絕高高李樹
不成花芒山一民忍鋤滅卻憐仙使降崑巔中途化雀遭
鷹鷂拾得黃花夜相飼美環報德生幾蠲况復張羅塞空
昊斜折清風腐原草何人刺雀更龍飛借問雀栖何處好
雀乎啾啾若相親幾歲作我瓦中賓敗垣蟲蟻亦可食須
汝曉起鳴熙春

古劍歌

虬鬚贈我古太阿寒光滿尺殲人多我持此劍挂窗壁悚
惕百鬼號妖魔每當黑夜匣中躍砉然聲響如龍哦紫鱗
生體忽飛去怒入碧海吞洪波少頃風雨勢稍定來歸故

處仍無他我亦雞鵲拂衣起往往肆舞身飲嗟怒霆撾吻
白虹貫傾側大地翻江河有時手劍碧空上冷割皓月橫
天磨忽驚土石漢濱裂善攻堅岸雙情鼉幽寐誰纔喚汝
斃一擲飲劍紅雨沱碧空自顧氣豪甚誓爲當世平側頗
疎身下天卻自歎世無平原柰老何吁嗟哉平原既無老
柰何

晉元帝廟懷古

白雲沈沈灞水封城中蒿棘生滿叢紫薇花好不厭凶但
見逐鹿爭羣雄五馬渡江一馬龍誓興二火光寰中東西
紛紛流血紅豈知觸鼻皆腥風君不見青衣兩天子呼韓
殿上淒淒死白眉小兒何陸梁坐瞞關中幾千里嗚乎中

興之業賴公起中原不復從公始

爽塏行

我有爽塏東城東青山數點花千叢埽石對花坐爛然照

我雙眸紅稍西一溪新漲足蝦蟆不跳雀不浴

用昌黎句

向晚

纖儵出相續一竿久釣垂楊綠綠楊深處黃鸝老猶覺聲

聲聽來好多情不似子規嘵嘵血淋漓染芳草春溪芳草

自年年歎我容顏非昔然惟當買酒恣歡譁一飲一斗鯨

吸川無病卽爲壽何必犯險求神仙無憂卽爲貴美官不

過多得錢卽食猩猩唇妾食鯉魚尾

用長安句

一朝忽謝舊繡

花楓面皺雷鬼癘倖侯河之清人壽幾秋井荇苔雨浮蟻

何如學術彌明翁叱咤蛟螭禁蛇虺用以稱素豐吾生任

明眸一鐘之粟秋貯倉一箔之絲秋貢篋衣食纔足甘長
終用昌黎句世事荒唐一車鬼

殘月行

秋河絕波衆石乾望舒驂空光不圓誰幽皎鬼使旁死鏡
心琢工永眠盤此時素娥竄幽暗雖有七寶徒雕剡衆星
燦燦各逞色密嵌天孔如沙攢我欲手劍倚天坐剗皮天
腹磨其癢揆度尺寸宛相肖便躡霞片登青鸞西拱媯皇
竭神術夜偵死魄虞泉端金鍼爲我巧縫綴清光永配炎
輪完

詠蘇季子圖

許約星前鍊一山六雄親少有封侯骨終看相國身尊榮

當世事更嫂昔時人不信咸陽寓爲書十上秦

壬午元朔崇善縣署中有懷

奇才絕代亦傷貧贏得天涯久客身綠水東流波似馬青
山北向石多人五年骨肉依羸僕萬里衣冠拜老親默默
愁懷與誰訴滿庭芳草不勝春

山居謝故人

檢理藏書甲乙新一盂豆粥一壺春可知風雨廬中客卻
是義軒世上人夜出豈爭魍魎火幽棲終老薜蘿身六街
肥馬紛紛過不踏長安滿地塵

爲廣西崇善縣梁棗山茂才誌感

讀書千卷終何益贏得窮酸事事非官給米糧支易盡祖

步非詩集卷第一 下
遺書籍典難歸朝看竈馬環禁冷夜聽衣魚共泣饑一滴
清泉延老病可憐骸骨似柴肥

晚偕楊蓮江西崖下避暑

翠巖生陰白日斜窈窕昏迳啼歸鴉埽石與汝坐巖脚晚
風吹落青棗花村奴雖穉解人意瓦甕遺我新煎茶數杯
澆腹醉已解且復濯手溪中沙

訪山人不遇

蒼迳橫山寒拂衣夕陽杳杳烏柏肥雲深幽客不知處但
見秋蝶穿林飛

秋夜懷鄉

蕭蕭寂寂冷如庵兩尺孤光短檠堪爲問趾離今夜夢可

能飛過五溪南

秋日山中

孤樟百尺幾經秋
伴我蕭齋分外幽
甕裏綠醅新買得
親燒枯葉煮彭侯

碧江紅樹映參差
太古年來斧不施
可有絃歌鳴水底
藻翁親獻紫螺脂

秋來暑氣未全無
赤足栖枝唱集枯
斑子解憐荒野客
那須脂粉貢山姑

又春冬二首

紅花翠竹自新春
一水流山不見人
曉刺漁槎霧深處
依稀蘿屋話先秦

朔風吹起雪花飄
寒蹲梅根飼鶴雛
頗聽敲扇委孤刺
夜深招醉老山都

擬元遺山論詩絕句

詩源誰濫五言觴
蘇李千秋獨擅場
縱使荅書稱贗作
豈容訾議到河梁

孽子何堪忤怒鱗
一篇白馬見全神
陳王自是冰霜客
肯爲閒情賦感甄

弱體還教著靡詞
齊梁諸作等蟬嘶
卻憐庾信風情好
不入潮陽薦士詩

劉南風調比中州
二名聲名亦等儔
同有傷時兩行淚
北風吹不到并州

虞叟才名冠揭揚杏花春雨亦神傷
阮翁但愛青山句滄海眞教一滴嘗

勦襲聲容擬盛唐紛紛標榜太猖狂
若將勝廣論懷麓未便西涯屈李王

陶公子慧壽 六首

慧壽名保賢以小字行安化人文毅公之子也文毅舉子遲年四十五始得慧壽生而韶秀穎悟異常兒四歲能踞地作擘窠大字吾師元和吳先生贈以詩所云束帶趨庭神朗澈擘窠踞地筆縱橫者也甫就傳塾師爲講解字義偏旁輒能通曉十歲以喉痺殤文毅痛之甚屢書來諄諄以銘誅之

文見屬余爲作哀詞其姊壻益陽胡編修林翼彙其所作五字小詩爲慧壽遺稿已刊入資江集矣今復採錄數首而附哀詞於左非必能傳公子亦

聊以慰文毅於地下也

南村草堂文鈔陶公子哀詞云道光元年余

客桂林李春湖侍郎寓宅今

太子少保兵部尚書兩江總督陶公方由晉臬擢安徽布政使以書

抵余告知得公子慧壽余與侍郎交相賀蓋公與

侍郎及余交久篤是時公年已四十有五甫得子

故聞之尤喜也越四年乙酉余北行取道大江謁

公於安徽節署坐未定亟呼公子出見瞭然而清

屹然而重試以語聰穎異常益用誇詫其年夏公

由皖撫調任江蘇余北歸後復道金閶則公子已

就傅能執筆爲驛窠大字雖在髫齡有食牛之氣

彌訝其根氣不凡必世陶氏之家無疑也自余歸

長沙補官寧鄉有自吳來者則云公子令譽日起

學爲詩文充然有成人之量矣已而公晉秩尚書

總督兩江乃遣夫人攜公子南歸省先塋居益陽

桃花江里墅余方思一往觀焉公子以疾痺爲

病

前十餘年呼惜哉余既哀公子族愍早鳴不攻成
立又念尚書宣力封疆勤勞民事孜孜孜孜於
災恤孤諸大政尤不稍除心力必有大報奇維
明仁孝者爲之子以世其家而大其報祖公子之
重生可也余辱交尚書不可無言故作爲哀詞以
紆其痛且冀公子姓名見余集中俾他日讀尚書
文集者有所參考焉其詞曰嗟百年之一瞬兮何
彭何殤繫萬化之同盡兮曷否曷賊惟斯人之早
慧兮其生與常矧名門之鍾毓兮累葉芸香偉驥
駿之墮地兮千里昂藏比虎豹之初生兮蔚乎其
章濶太公之積累兮韜德不彰暨名父之崛起兮
天路騰驟閱滔滔之江漢兮南國紀綱希西岳之
霖雨兮施及四方起災黎而骨肉兮保孩赤其如
傷謂世家之必大兮流澤孔長胡理數之回互兮
宜慶而殃惜宜昆之哭子兮終老於行泊奕葉之
食報兮俎豆膺蠻彼豈烏之天折兮文考顧湘終
草元而注騷兮不掩光華自古聖賢薄世而行遠
兮皆恃乎已之道德文章以自將藹不係于子嗣
之賢否也而豈以是爲低昂所不能同於太上之
忘情者珠在掌而忽碎兮蘭在芽而不同於天道
既不能知兮人事其曷可量倚之山兮資江望建
業兮哭聞左虎阜兮右滄浪嗟公子兮遊翱翔探

金環兮未央夏歸來兮壽康決商瞿之有子兮卜
顧太而蕃昌嗚呼公子兮不能忘嗚呼公子兮
忘勿

舟至桃花江

此處距吾家道路二百里雲山雖暫隔同飲資江水

桃花江

江水浩無邊桃花夾岸然試問簑笠翁何處是洞天

微雨

小坐望微雨風吹覺涼早明日看青山野外生秋草

秋露

更深濃露下絕似牟尼珠桂花夜半溼月色爲之濡

對酒

與來同把酒一醉話桑麻月照籬前好相攜就菊花

秋燕

晚來如客燕款款出巢餘下上呢喃語秋深不易居

許處士鈞

八首

鈞字伯鴻武陵人有鵝池硯齋詩鈔伯鴻爲吾鄉
試房師許蓮舫先生紹宗之子先世本浙人吾師
以咸寧籍成嘉慶辛酉進士改庶吉士散館改授
湖南永定縣知縣調武陵縣知縣升武岡州知州
卒官鳳皇廳直隸同知師官武陵久善政甚多朗
人愛之如父母卒後迎其喪葬武陵西門外因家
焉時太翁健在公子甫九齡耳稍長塢於武陵趙

氏文恪公女孫夫也遂占籍爲武陵人余客粵時
曾以師門三事商文恪公入籍其一也伯鴻生而
穎慧既籍武陵屢試輒雄其曹年二十七未青一
矜而卒遺二女一子子纔七閱月卒之前歲猶奉
吾師讀雪齋詩文全集來余寧鄉冷署住一月始
去臨別諄諄以銘墓序集之文見委歲庚子余主
講朗州時太翁亦歸道山矣存問其家孤嫠滿眼
相對啜泣而已既出西門謁師墓墓距城根不半
里地絕低窪辛壬閒常德大水旁墓多被衝齧漂
失師抔土歸然邦人詫之余至方謀遷地不果時
楊誠齋通侯芳以提督軍門駐朗聞余言一日同

往相視慨然許助余修砌乃議四圍用石堅築復
以年月方向不利罷其年冬余離朗侯亦以海氛
用兵匆匆破 命去未幾趙氏女亦卒衰門弱
息呱呱待哺遂無有問及此事者矣哀哉余去朗
時伯鴻生母秦孺人手一帙涕泣相授卽鵝池硯
齋詩鈔也爲選錄數首入茲集冀伯鴻姓名得附
存不朽吾師大集竟得刊行與否墓道得修理與
否則非老病餘年所敢期必也慙負生死甯有旣
耶

藝香樓看紅梅貽趙敬甫舍人

天寒欲雪十指僵銅瓶水凍生晶光朱門洞闢仙源路中

有斗室藏古香回塘滌繞山坳曲奇花異卉爭殘陽傍山
梅花三百樹高者接屋低成行巡簷幸無褊穢客賦手儘
有鐵石腸天知世態厭淡薄丹砂爲作換骨方荒涼時節
閒爛漫俗眼爭詫錦繡場飄飄一覺羅浮夢千紅萬紫誇
迷藏我時正立程門雪

自注時就傳
趙氏宅中

儉腹跼促慚東牀咀

嚼不能富書史驅遣邪復工文章對花舉盞先自赧捉筆
欲賦難鋪張仙風忽送江城笛絳跗綠萼爭低昂有如佳
人在空谷繼成金屋嬌莫償朱唇半吐靨潮暈欲開不開
神則莊自古紅顏驚絕代傾城幾輩儕施嬌桃根桃葉倏
萎悴行雲行雨何荒唐榮枯瞥眼空色相美人黃土遙相
望何況蛾眉善淫妬尤物每易招災殃三代下無貴好惡

以色事人反可傷花乎解語當動色紅塵永謝珍孤芳

題朱蓮塘

德治

夫人張瑤仙繡餘一斑集

空山四盡杜鵑血古塚犁徧狐狸穴桑田滄海幾變遷惟
有文字不磨滅此邦久播詠絮才舊族清河誇閭閻堂堂
視北四世孫論婚恰與朱陳結繡餘自著集一斑取法惟
師古賢哲風雲月露何足云獨向人間羅苦節閨幽彰微
志匪疏數十年來多採掇巾幗能任丈夫事斯人豈非天
下傑我知不僅工文詞欲與史乘補殘缺平生精力注茲
冊時向人閒吐芳烈我來敬造經畬堂手授遺編一窺竊
到眼凜凜光星日口不能吟但心折始歎孺人志千秋區
區識字非奇絕孺人心事本玉潔朱生衷腸亦血熱搜羅

沅湘耆舊集

卷第一百七十一

三

冰蘖及寒門一卷栢舟言悲切

自注趙塘以吾母秦孺人苦節補入此卷

送

令千百苦心腸皎然直若明星列煌煌一邑風教文鏗鏘
有如憂金鐵此書在世若不傳豈獨我輩增嗚咽

案夷子余主講朗江趙塘曾來謁以其先集未選獨未及臨仙謫餘集當萬書問之

還家

打門一笑慰偏親潦倒還家歲又新狡獪世情真弄鬼
咄兒女解依人鑄銅難保生前富采薪猶餘死後名畱得
故園松竹在主人何事不能貧

花朝後一日瀟甯學署卽事

隨風吹放百花香桃李無言笑客忙折柳怕聞三弄笛落
梅空轉九迴腸自憐北叟真流落誰遣東君爲發揚惟喜

鄴侯芸滿架時將書味一偷嘗

次日復得一律呈鄧湘皋先生

兒時赫赫聆清光十載依依夢草堂
滿眼浮雲皆富貴千秋知己是文章
承家遠愧燕山美戴德真如湘水長
此日九原應笑口石田何慮陸茫茫

自注詩鈞奉先大夫文稿來并乞先生志墓序集

春晴

連朝陰雨過清明乍喜新晴眼界清
九十春光歸管領一年花事費嘲評
連天芳草迷殘蝶畹地垂楊坐早鶯
爲摘餘霞供饋面東風且喜落花輕

戲詠月餅七歲作

剪出冰輪片凝成玉液漿誰將天上味竊與世人嘗

還家口號

去日梅花尙未知歸來春日已遲遲
行裝莫笑無長物賺得名山幾卷詩

沅湘耆舊集卷第一百七十二

新化鄧顯鶴湘臯編輯

湘陰左宗植仲忝校訂

李處士春光

一首

春光字華陔一字芳園新化人世居縣東鄉鷓鴣塘西家鸞故又號西家翁翁之曾祖作梅子和君當鼎革之初能以禮教信義保其鄉里新人所稱李子和家有禮者也子和君有子八人皆以孝秀起家翁父文纘廣文君少孤以副貢官桂東教諭亦早世翁與叔兄愚庄先生同受業於伯兄學博君輝少負文譽體羸善病嘗一再試於有司以病

廢不復與試事性篤孝母病瘵八年左右扶持抑搔在視寒煖無須與人以爲難好獎人善愚庄翁以經義教授里門余兄弟幼卽其家受業翁時來塾中見余所作詩文輒大誇異嘗語愚庄翁是子將以文章名世毋以村塾小兒律令苦之也尋命諸子與余家媿姻今五十餘年矣老將知而昵及念無以踐翁言回憶總角時受知之語安能一日忘也翁晚築新宅於青峯石子溪移居其中手植松樹數萬株繞宅扶疏致有畫意余嘗往問起居翁時年已篤老猶與愚庄翁朝夕過從見余至喜甚流連信宿相與談邑中先輩逸事娓娓不倦

迄今官瀉西久之聞翁歸道山又十年愚庄先生
下世計其年皆八九十餘蓋邑中耆舊無有踰於
斯者矣
永世耽經義不畱心韻語翁喜吟
稿亦散佚今從其子宗藍青吾所得其移居詩一
首亟爲采錄而并識其略如此

移居示兒子藍

病骨撐支六十年清時養拙此林泉壯懷未竟名山業老
去猶餘買宅錢遶屋扶疏皆手植沿溪腴美卽心田從渠
喚作西家某且效村氓受一廛

譚居士正寵

二首

正寵字師亮新化人諸生居縣南鄉龍源自號龍

同君士居士余從母夫生平言笑不苟動以禮法
自繩爲諸譚倡余早歲嘗以省從母一再至樂其
風土因以長女歸其孫建宅今壻鄉風景漸異翁
亦久歸道山矣翁詩曾采入資江集是集將成建
宅復以爲言因復錄入二首

過一鑑山房舊址悵然有感

老屋何年闢空餘石徑荒昔人歌哭地今日莽榛場隙地
餘頽瓦空階臥短牆廢興關手澤此意不能忘

泊茱萸門

茱萸門下宿止水共心澂江寺月中磬漁船風際鐙放懷
三斗酒作伴一枝藤蘆岸蕭疏寒色增

米芗才藻 六首

蓀字芝堂邵陽人諸生有邵東詩草芝堂有時
礪東集中有守風潭州示朱五詩今邵東草有刊
本然少可存者故所錄不多

湘妃詞

金柱二十五絃以純朱絲借君錦瑟怨彈作湘妃詞蒼梧
雲中野九峯皆可疑重華不可見淚向幽篁滋洞庭八月
寒木葉秋風吹秋風有盡日木葉無還期

雨貞女行 并傳

雨貞女者永州零陵龍翁之女也龍氏世無聞乾隆初
龍翁以家徙邵故貧賃居於邵東之仁風里而山耕焉

永俗習山農每力作男女畢出畱長者持門戶時雞豚
黍字之午則熟黍就山而餉焉日以爲常故男女多者
食力於 所獲常豐裕龍翁徙邵州近六十年今壽七
十餘頽然老矣少時娶妻雷氏四十以廢疾歿生二女
無子零之人有求之者長女曰吾父母無子吾不得有
兄弟吾嫁吾父母何以爲生吾何以夫爲吾願爲父母
子誓終養焉媒者至毅然拒之其妹亦未字人以姊之
賢益競求之姊曰女其可以字矣妹曰姊爲孝吾獨不
願爲孝乎且毋令姊無偶也求者俱不得而止甲寅秋
余以事道仁風里因得訪其廬而造焉鬢髮鬢然扶其
老父出而見客蓋姊年五十妹年四十餘矣然猶終日

荷鋤負畚姊先而妹從宛然山中老農婦不知其爲鹿
子也龍翁安粒食怡然不覺其老且獨者以有兩女
子故也龍翁不知名人以其老呼之曰龍翁云

君不見零陵兩貞女孝養純其藝稷黍阿母生女不生男
隨父僑寓南山南山中長物曰與杵山中美蔭桑與苧麥
秀荷穠鋤饌熟載筐筥姊妹笑相攜終鮮兄弟予與汝何
人憐女顏如玉女生不羨黃金屋但望年年豐菽粟蓬髻
承歡儂願足曾彼鴻飛冥羅者空仰矚我聞零陵仙女墜
仙桃白日冲舉揭盧敖女云神仙游戲耳不如將父老林
臯嗚呼錦衾角枕嗟獨處詠雪畫眉皆綺語君不見零陵
兩貞女

題太平寺

自注寺在
昌山遺跡

仙院遺塵境，禪堂靜裏看。
華鐘金界外，寶雨暮城端。
洞古雲根老，松高鶴夢寒。
羽人誠不死，何處問勾丹。

雨過嵩山

愛此嵩山好，嵩公習靜房。
鳥飛林自定，花落草猶香。
古塔沈荒邈，疏鐘出夕陽。
片雲催暮雨，繡素一相將。

秋後登大余湖山

自注山為申
秦芝飛昇處

盤盤石磴白雲巔，力勝尋幽憶去年。
慧客有乘皆寶筏，香臺無處不清泉。
碧桃花落瀟瀟雨，石竹春寒漠漠煙。
我是蒼鷗鶴侶，洞天重到亦前緣。

邵陵竹枝詞

洞口桃花總未開
寶峯亭子又莓苔
太平寺上騎黃鶴
一樣仙人去不迴

蔡秀才雲達

六首

雲達字儀甫湘潭人廩生有詩一卷吾友栗仲從
昭潭講舍寄來殆其門人輩所請也爲採存數首

詠史

強羸方逐客李斯猶上書
溷鼠發長歎黃犬復何如
萋萋王孫綠上蔡宅爲墟
功名誠足貴亦復可欲歔

子雲位執戟恬退薄榮華
漢室一遺老草卒非不嘉
我行至西蜀懷古發長嗟
遺亭翼曠野載酒思侯芭
投閣計已晚美新言何誇

卷之十一
五
鬱鬱洞中柏青青巖畔松勁風凋榮木盤錯此心同伯起
抗疏去磊落賢三公慷慨夕陽亭天地知其衷炎圖雖不
祚千載欽英風

東方有一士辛苦好容顏別無養生主所慎非飢寒逍遙
獨行遊選勝經商山爲訪綺與帛悠悠越河關紫芝深谷
采聊用忘華簪有時再三鼓取琴操孤鸞感彼升沈客安
得不爲歡足踏白雲去肩拍洪崖還

偶感

莽蜂求辛螫桃蟲倏拚飛古人懲後患鑒物悲於微人面
不吾似雨雲隨手揮明月按劍視平地風濤感君子重日
反詎曰莫予非興戎鮮出好危哉此樞機輕薄何須數吾

將誰與歸

贈朱寶仙有引

寶仙先世山東歷城人以從龍隸漢軍曾祖琬次君出
守沅州歷官貴西道時 詔許漢軍子孫遠官不能回
旗者聽所在落籍因隸湖南芷江縣其尊人心池先生
詩人也宰粵西上林十載有惠政與臨桂朱小岑布衣
依真臨川李松甫比部秉禮交好袁簡齋嘗亟稱之寶
仙以名家子爲諸侯上客與余善一日索贈爲賦一詩
世勲舊第本延長天許勞臣息楚疆躍馬鳴金思戰績
寒蘭擷芷接餘香龍標自昔容騷客鸞徽於今異瘴鄉
往日阿舒頻下榻興懷古道話蒼涼

楊布衣興樹一首

興樹字荃甫自號小顛新化人存小顛草紀異志
諸書荃甫爲蓀甫詩伯之弟性頽放嗜酒好吟家
貧甚賣詩爲活人皆以顛呼之蓀甫集中寄弟時
所云形骸放浪稱詩伯生計蕭條號醉侯者也詩
甚多余少時曾見其觀星百韻及覽古諸詩皆奇
作也稿俱佚僅從武岡志採入一首

諸葛武侯雞鳴枕歌

都梁之水何茫茫有枕沈沙夜生光武侯何年過此邑神
物墮地無人藏千年土花蝕不得一朝得自寒溪旁鼓音
哀第雞聲轉恍與銅壺漏滴長丞相當時臥南陽抱膝長

吟歡未央此枕爾時共幽獨北窗濃睡遊羲皇
昭烈三顧始應聘魚水君臣際會良跨荆保益排八陣雨朝聞濟何
煌煌此枕爾時入戎幕寢不安席情徬徨五丈原頭巨星
落炎精十世久銷亡二千餘歲閉至寶珍之豈尙同琳琅
珊瑚水晶綺麗光聲價應須百倍強惜哉俗客不相識少
見多怪心驚惶鈍錘擊破機關露片片散落隨風翔丞相
英靈萬萬古銅鼓鏜鏜出南荒安得此枕復垂合置之金
馬門前白玉堂詩成仰天三太息荷池碧沼微生涼

陶秀才必鱗一首

必鱗字遂懷號洞崖安化人諸生洞崖勤苦嗜學
與從弟必銓從姪豐俱有名於時有三陶之目

山居漫興

新築巖前白板扉長松覆瓦竹籬圍野花作雪高仍舞溪
水如雲落更飛偶遣山人將鶴放閒看牧子跨牛歸人生
去住原無定一任機心願已違

何國子寅一首

寅字春寶寧鄉人國子生詩人何星田煥之子余
友馬秋耘學博維藩亟稱之以其遺稿見示爲錄

一首

阜海道中寄馬秋耘兄

曉驛雞聲樹有霜故人書斷又重陽立名畢竟須科第授
筆空教羨獵場前路正愁青眼少意中猶覺白眉良斷無

福命都如我翹首天南雁一行自注時鄉試已揭曉頗望秋芸捷音也

周布衣宣七首

宣原名在廉字豹臣一字讓之寧鄉人雲臺明經
詩助之子有敝六山房詩草

坐久

坐久不覺暝秋生獨影中蟲鳴苔徑雨蚊寂篠窗風靜想
意有觸苦吟詞未工鑄金事郊島寒瘦復誰同

秋日山居雜詠

獨出步村墟幽情落照餘秋禽下汀草饑犢齟畦蔬野曠
霜痕重林殘月影疏歸途更蕭索孤店上燈初

清冷傍溪舍庭空日氣澄荒苔延瘦菊賸罌聚癡蠅坐羨

投林鳥閒過退院僧疏慵原自慣不免俗人憎

夜涼

秋生新霽後深夜小亭中涼露溼荒草寒星疏遠空鐙殘
窗隱隱蟲暗徑濛濛正是裝綿候遙憐入塞鴻

秋日遊龍氏園林

閒園開百頃遊賞日紛紛荷氣涼如水樹聲高入雲談深
對秋色歸急趁斜曛一徑落寒翠疏鐘隔院聞
行客初過嶺一鐙山店青人聲遙暝霧霜氣澹孤星詩骨
因風聳僧闕帶月扁歸來遊意愜默默坐中庭

聞雁

風雨秋將半江城人未歸虛窗幾回倚寒雁一行飛月下

傳聲遠雲高。影微稻梁如自足。來往跡應稀。

何秀才昌治 二首

昌治字琴堂安化人諸生

書齋遣興

年來漸覺鬢成絲。野性疏狂只自知。吹短笛餘還看劍。補殘書罷又吟詩。庭環怪石雲三面。園種名花香四時。醉裏亦作醒更樂。流鶯聽倦最高枝。

仲春偶感

淺春獨酒醉初醒。徙倚春風長短亭。溪水雨添半篙綠。山光晴送一窗青。翳驅健犢知逢卯。兒檢藏書喜識丁。自怪閒身久無事。行蹤端不似浮萍。

鄉秀才漢紀 十六首

漢紀字伯申新化人諸生年逾冠以鄉試卒於長沙著有博物隨鈔連語重言幼雅諸書伯申爲景山明經文蘇之子吳蘭翁外孫也兄弟皆有才名所居近高平爲首望山麓伯申嘗自寫其詩一卷質余署首望二字余異之蓋吾鄉里師宿儒無有知是山見於水經者矣天假以年竟其所學豈第爲詩人哉余輯資江集時其弟叔勸哀其遺詩屬選今復採其尤入斯集以永其傳

秋夜

蟋蟀鳴前除佳人渺天末愁思故難任披衣中夜作清露

綠草上涼颼振林薄河清不可待歲華空蕭索感此發長
喟明月透帷幕

夜坐

冷色逼青帷秋聲雜簷溜銀光耿復明壁影孤兼瘦披筆
揮飢鼠添衣招雙袖閒適無人爭清夜勝長晝

琦瑜兩兒寄外家其母歸涕泣不忍釋手途中口占

三首

君子有遠慮小人畏飢寒嗷嗷待哺棄捐豈所安始交
而難生屯如自古患昨睹流離子賣兒事辛酸况茲散復
聚何事涕汎瀾

巢雛望母歸春鳥莫浪彈郵亭讀斯語塌然摧心肝母住

既不可母來良獨難欲攜雛共去所乏在羽翰唯有最高處夜夜倚危闌

大木蔭千畝大厦庇萬間人生欣所遇宇宙爲之寬嗟余身不閱蒲柳懼凋殘無能共飢渴袖手總旁觀高言濟天下俯仰起長歎

野梅

閒卿昔嫁林君復君復憐卿絕塵俗如今君復骨成塵卿落山中魂幽獨羨卿高格自年年不到人間悅凡日梢頭涼月桂黃昏漏底寒流浸芬馥風雪空山一夜寒玉質冰姿傍松竹西澗今日少知音人分荒林老幽谷慎勿將身許人依依宇下如籬菊

故高平縣

晉代高平縣曾聞置此閒溪沙常擁砦村舍半依山
地舟車少民稀鳥雀閑文斤丹竈近願假駐朱顏

齷齪

齷齪何爲者吾生豈偶然青鐙談夜雨素鬢颯寒煙
投筆雄心在銘碑異日傳中宵眠不得起立問蒼天

秋夜

風過晚涼生寒蟲四壁聲人隨秋共瘦心與夜俱清
蒼雅尋奇字丹鉛記古名披衣時一起澹月半窗橫

雪夜感懷

莽莽乾坤歲已闌况兼風月一宵寒地爐斗室燄雙焰
雄

劍鳴琴思萬端正愧江東無景略敢嗟身後識方干青衫
不灑江州淚獨自奇書仔細看

經始

此身懶去學飛仙經始邱園屋數椽戶掩簷簷晝亦暝山
含寶璞夜生煙謀生早辦書千卷貽世惟憑詩百篇名士
風流猶我谷茅廬曾其浣花傳

讀虞翻傳

傲骨長當棄海隅秣陵空自憶吳都生前白髮披方朔死
後青蠅弔左徒竹箭名材終在易浪遼長計莫陳謨羨他
遠去朱休穆前席猶能捋虎鬚

楊叛兒

簾紋清如水語歡莫驚起青蠅
可憎兒慣逐南窗紙

早發

風霜陳行李人語雜雞聲昨夜
還鄉夢分明向北行

黑甜

遲日停蛛檻清風埽竹牀鳥曉
人寂寂幽絕到瀟湘

莫處士允懷一首

允懷字省南號秋筠益陽人嘗與賀靈畦請君爲
詩社往歲曾因雪畦見余於長沙未幾卒

春日卽事和雪畦

幾家掩映綠陽村曲巷蕭蕭晝掩門
永日耽吟謝賓客荒年賽社減雞豚
雨殘魚樂爭渾水花老蜂喧戀舊園
目盡

斜陽又歸犢數聲桐角下高原

鄉秀才繁

五首

繁字介祉新化人廩生有惜分陰齋待刪草介祉
爲繁昌令杰之第五子繁昌有政聲歿後宦囊蕭
然諸子無以爲生介祉幼聰穎受書於其姊細喜
爲詩工駢體文細余唐氏甥婦也乙未丁酉閒介
祉鄉試來長沙曾一再見於旅寓時介祉病喘劇
歸後旋卒余深惜之頃得其殘稿一帙句如幽林
風峭松濤急荒澗流紆石髮粗雲閒雁其新涼到
江遠湖隨細雨來佳節那堪還作客離人何可更
無詩春光已共雞聲起客緒還同馬齒加老去不

須愁鬢髮秋來最好是尊鱸皆有新意亟補錄是
卷之末以抒其概

癸未仲冬自衡州抵家作

饑來驅我去饑復驅我旋吾身如飄蓬饑實操其權去年
走巴蜀行行履爲穿今年走湘東辛苦劇堪憐妻孥笑我
拙謂我姑息肩饑豈能君驅君實爲饑牽我聞三歎息此
語殊不然非我亦非饑吾以歸之天

漫成

十年蹤迹等風煙聊借枝棲一息肩客久始知家食好學
荒幸免俗情華士衡尙有三閒屋季子何須二頃田羸得
高堂開口笑看兒猛著祖生鞭

興山閣別錢鑑塘

落月停雲意久懸當時蹤迹已雲煙君猶慷慨輕千里我
已蹉跎悔十年每話西州同有涕亦知東里不求憐自注鑑塘每話及先君子輒泣然只今漫憶江南好夜雨巴山共惘然

七夕

天上佳期此夕催人閒瓜果滿庭堆經年離別猶難訴那
有心情送巧來

題牧牛圖

平生不羨多牛富老去方知杖策非原上日斜風一笛誰
家鳥鴉自知歸

丁秀才盤二首

鑿字海若號化畦湘潭人諸生

中條山

三晉名堯卓立中傾頭雲氣走鴻濛

自注山顛有分雲嶺出雲輒流布東西故

名分

太行東向中原盡華岳西來兩戒雄別墅其欽唐表

聖

自注山中有司空別墅

高蹤誰繼宋溫公

自注谷開有王谿洞我司馬溫公讀書於此

開山下多幽洞欲覓桃花澗水空

自注巖下有桃花洞

襄陵道中

雲開西望卻雙城猶自馳驅滯客程山徑馬穿朝霧出河

梁車促夕陽行橋過此口思遺愛

自注受橋鄧攸建元大德六年重修改名遺愛

橋關鎮當年識太平

自注太平故關後魏太平眞君時回立即今京安鎮與太平縣交界

首龜山重惆悵畱侯墓草澹煙橫

自注張良墓在龜山之麓

冀徵君塋

塋字載堂自號雲母山人又號藏谷老人善化人
諸生性古樸有內行道光初舉孝廉方正有藏谷
草

簡李甥楚堂

汝嘗誦吾詩汝知吾心久吾詩不足誦吾心期不朽吟哦
二十年賞音尙未有此道能窮人休酷似汝舅

偶感

四山雲起一僧歸雲引僧歸度翠微行入雲深僧不見翻
疑僧化白雲飛

附方寸宣翹 一首

宣翊字玉燦號蘭墅新化人諸生

詠東坡後遊赤壁

泛舟七月成前度步過黃泥記舊遊
孟轲偶攜鱸截玉江山莫識杖扶鳩
鶴鳴半夜塵中夢客散林臯覺後舟
已識孫曹成往事故將雙壁著風流

沅湘耆舊集卷第一百七十三

新化鄧顯鶴湘臯編輯

湘陰左宗植仲基校訂

曾秀才宜琨

八首

宣琨字玉立號拙庵新化人諸生其伯兄栗塢孝廉固詩人也拙庵少習余亦有詩名性落拓嗜酒以諸生終詩稿散佚曾從其家得閱蜀志詩十條首摘錄入資江集比復得近體數首因並錄之

閱蜀志偶筆

君人豪妾國色侍婢環立皆持刀誰信英雄出巾幗妾歸吳君入蜀可憐家國憾無窮長使深閨泣紅玉相望終難元相耆舊集卷第一百七十三

見相思夢轉迷白帝城高飛不到年年春盡子規啼

襄陽城西臥諸葛龍手潛龍不可拔秉耒朝犁隴上雲披
襟夜嘯隆中月犁耕渴釣意如斯伯仲伊周定不疑感君
三顧爲君出功烈赫然青史垂上表出師氣彌激張卽王
雙頭血灑內披肝膽事冲人外持巾幗貽強敵五丈原中
澹夕曛定軍山下走寒雲千古聲名畱八陣一時韜略冠
三分從來豪傑甘偃蹇有道則仕無則卷知己若無劍豫
州豈獨龐公老襄峴

杜鵑口噴血青春坐銷沒精衛羽譙譙無邊海白潮西川
都散武侯子翩翩濁世之佳士國恩不報更何爲父志未
成烏可已可憐陽九多奇歎人力安能轉陸沈名罷姜維

空上表早誅黃皓枉關心征西將軍入景谷魏人長歌蜀
人哭風馳電埽勢莫當江油守將迎風服甯將白骨委沙
場不貪僞爵琅琊王至今浩氣存霄壤化作千秋日月光
三國爭雄鼎勢分熊虎之臣何紛紛西川將軍張翼德橫
矛瞋目輕千軍不徒勇力君稱獨國士風流殊不俗立直
曾令孟起慙搗謙遂使嚴顏服禮賢下士和光吐氣象曷
曾隣莽鹵爾日烝陽劉子初乃謂武人蓋與語

定軍山頭喧戰鼓討虜將軍吼如虎一時毅勇冠三軍執
銳披堅誰敢侮策勲進爵合封侯名望何須關馬伍由來
資格限英雄費詩銜命髯公怒

識悟過人才不怯股肱漢室帝業帳前嘉客正圍棋馬

上精兵皆擐甲魏寇聞風夜遯逃西川寧緝劍門高能持
淑德遵諸葛不枉東吳贈寶刀

種樹去其蠹治國去其賊賢哉董尚書三代畱遺直生貞
晚歲心鶚振秋天翼蹇蹇立朝端姦邪皆屏息可憐身去
西川空陳黃表裏爲奸兇履霜不慎堅冰至保蜀虛名是
費公

梅花

瓊葩開遍荒村曲和靖先生安在哉今世誰能歌絕調昔
人不作總堪哀孤臣遠塞風霜苦處士深山歲月催畱得
襄陽風味在騎驢還覓灞橋來

徵隄國驢小詩五首

落花語故枝莫憾東風惡離合自有時預作來年約
長橋楊柳枝絲絲任攀折不解結同心祇爲多離別
亦欲登高望其如遠道何自無千里目不是白雲多
夜來枕邊淚點點墮吳紈莫浣欄斑迹畱將夫婿看
卷簾問新月應解照愁心兩地皆相憶情懷誰更深

曾秀才璫一首

璫字玉藻新化諸生栗塢孝廉之弟拙庵兄也詩
不多見僅從方志得其哭洋縣殉難一首爲亟存
之

哭族弟彰泗殉難

一死遂千古吾家兩盡臣

自注嘉慶丁巳雲溪兄艾間家殉貴州仲苗之難艱難

當代事慷慨丈夫身

天語光雲日忠魂泣鬼神長安

西望遠灑淚向蒼雲

按彰泗寄籍四川以嘉慶辛酉拔貢官洋縣令丙寅寧陝鎮新兵亂殉城死甚烈與雲溪司馬殉難貞豐同余擬為作傳

曾秀才榮誥一首

榮誥字兆麟一字小吾新化人小吾受業吾友譚吾肩之門性灑落喜談論日以詩酒自娛以諸生終無子其族弟秀之哀其近體詩求選為存一首

六亭山懷古

六亭山色古荒邱防禦何年駐此州藩鎮樓臺秋月冷禪堂鐘鼓暮煙浮
暮林向晚寒鴉噪古塔盤空老鶴愁
勝蹟

而今在何處
資江日夜自東流

李處士宗茂 一首

宗茂字青松一字樹懋新化人年十九墮水死樹懋爲余從母之子長余三歲幼與余同學性穎敏中表兄弟中無有能及之者既死於水從母痛甚取其稿盡焚之今止存雪詩一首

雪

天地忽異色山河不可窮
時聞聲漸澀但覺影冥濛
冷壓藍關馬寒凌白玉峯
伊人歸臥後門外絕行蹤

譚處士大鎬 四首

大鎬字錫朋晚易名大椿字壽伯別號樗寮子新

化人有標竅初稿錫朋爲余從母兄性迂緩好苦
吟余嘗見其少作甚有風致晚歲竭力作木筆花
七律百首遂盡匿其初稿時以此誇示於人余笑
語之曰詠物詩可不必作一之爲甚其可百乎年
八十餘卒頗以遺稿爲念今追錄少所記憶數絕
句於集以存其人逝者有知或不相刺謬也

秋夜得雨

北牕高枕傲羲皇冰簟銀床夢亦涼欲繪微雲疏雨態恨
無詩似孟襄陽

過雨輕陰澹不收魚鱗點綴一天秋雲開忽破半規月滿
地桐陰如水流

春興

溪流曲抱野人家
兩岸田塍整復斜
記得去年新麥熟
梨雨灑半開花

攜壺挈榼走兒童
相約明朝賽社公
醉罷歸來聞笑語
煙村幾處唱治醵

黃處士紹英

五首

紹英字子才邵陽人有九巖詩錄九巖年三十未
青一衿而卒其族人柳潭拔貢建道貽余近體一
冊句如秋色千畦平野濶波光十里大江來備嘗
艱阻難爲客飽看江山當讀書好談僧似貪畱客
愛吹龍如始見人水無成見依山轉鳥有高情抱

竹嘯村籬畫圖山點綴宅無牆院樹遮闌村中酒
好花先醉陌上風多柳怕眠蛩學書聲吟到案犬
憐月色臥依廊此類甚多饒有風致

夜泛

春水三篙足扁舟一葉輕煙生山欲臥風靜浪無聲酒濁
斟餘幾灘多記不清孤篷難作夢危坐度殘更

秋晴

成霜天作勢羈旅客難歸荒圃陪花坐長林數葉飛山遙
排霽色雲破漏斜暉故侶無書到無言倚竹扉

召伯祠

江城畱得舊祠堂焚憩千秋德不忘古樹根殘陳跡在召

畏篇後雅詩亡湖湘鼠雀成風俗周室河山幾夕陽此日
風人差似昔看誰捉筆賦甘棠

案甘棠渡在邵陽縣東相傳爲召伯聽政之地故
郡表古南國歷建召伯祠萬歷開楊給事廷蘭謂
棠樹之林明初猶存可坐數十人居人病遊者之
擾竊私伐去郡伯郭公聞於上以其人寘重法詳
兒車孝思先生召乘臚句

行山中失道書所見

夾道松杉塞徑第一峯斷處萬峯交山田耕近前朝墓野
寺留爲暴客巢雞犬無聲村去遠荆榛滿目路重抄行行
過得重岡去似有炊煙出樹梢

和謝草堂題酒家壁

桑林影裏溷雞豚縷縷炊煙又別村山好春無歸去跡溪

步外耆舊集卷第一 二十三
深水沒舊時痕謀生爭及田家樂屈指無如酒客尊老瓦
盆邊甘醉倒醒來天色已黃昏

黃處士文奎 八首

文奎字星伯邵陽人有湘蘭草星伯與九巖同族
均僚侘童子試中未青一衿而卒詩才較肆於九
巖句如詠史云神仙未必愛童女豪傑何嘗是腐
儒魯國不須難禮制漢家原止議朝儀覽古云帝
王臣佐青年少屠販功名赤手多楚國河山悲邑
大芋家社稷葬江魚觀輿地圖云版圖猶繪中原
土險隘誰開四塞雄雉爲斯人正性命難從大地
洗驕淫出語殊有淵源此外如烏啄落花巢別樹

蟻拖殘墨過墜牆空庭酒醉花將舞古樹詩成
欲歸鳥爲春殘嘯始歇花因雨細落才閑絕頂青
收龍窟氣兩峯翠壓石門寒一灣淺水浴黃犢千
尺虬松挂白雲皆楚楚有致

對鏡

幽跡無人覺浮蹤獨自商以余懷出處對爾問行藏時命
知屯蹇鬢眉幸佩強願深長愛惜莫爲減容光

天河

坐次橫天遠更闌入地多何年通宿海終古此懸河碧落
浮槎上星光渡水過果然逢漢使豈得不風波

早夏

四野清光滿，憑樓萬里情。
暗憐芳樹老，坐覺薰風生。
白晝懶人意，晴天多鳥聲。
莫嫌將作暑，修竹已當楹。

夏日偶成

坐久陰巖冷，風高到樹遲。
吹將白雲片，挂在碧松枝。
過去人方覺，眠閒鶴不知。
余情方欲倦，消受一枰棋。

欲雨

五月將雨猶未雨，釀成暑氣滿西郊。
蟻知地利遷隣穴，鳥識天時補破巢。
造化先機何易測，性靈微物有誰教。
可憐自昧平生術，猶自塵緣供俗嘲。

別詩寄所親

唱罷驪歌酒正闌，平生最識別離難。
雙魚萬里春雲沒，孤

雁一緋水開寒著說已爲當世笑論交還作古人看三秋
重約應無負黃葉聲中待爾歡

小松

荷鋤曾向故山移種到窗前帶草滋尙未成龍爲浪小有
時映月落釵低巡檐聲送畫堂北繞砌枝橫小閣西待得
淩雲舒勁幹好招仙鶴共巢栖

山居

日午柴門尙未開籬邊一鶴去還來水沈錯落老梅影雲
擁蒼涼怪石堆得意但同山鳥語忘機不與海鷗猜隔山
一箇遊方士常覓菖蒲遍地栽

李秀才克柱

一首

克柱字石唐新化人廩生詩人郁翁之子郁翁有
示兒詩所云無爲捲地蓬要作擎天柱者也石唐
少孤傭書養母非力不食嘗袖詩謁礪翁頗激賞
之家貧無子卒贈證諸生以終可歎也

牧羊兒

南山十五牧羊兒朝朝收羊山之陲短衣單布不掩踝羊
兮羣飽兒忍飢日斜麾肱出林莽主人猶嫌羊未長古今
萬事皆等閒歸歟高臥金華山一羣亂石何足叱且與初
平時往還

晏秀才起淳

一首

起淳字厚子新化人諸生

次韻曾松園先生承熙寺古樟歌

松園詩老鬢眉皤示我承熙古樟歌此樟畱遺自北宋萬
劫不壞佛力呵移根種植者誰子豈有妙手郭棗駝孤高
畫貯太古雪浩蕩夜轉銀河波天公謬巧設帷幄碎月篩
影搖青莎葱葱鬱鬱歷千載法雨灌洒參三摩杌然空腹
貯元氣是鄉亦足稱無何瑤閣計地挹秀爽維峯末敢爭
嗟我義和火繖閃炎焰盛夏已覺無南訛元陰慘澹鬼神
入金枝翠蓋掀天魔我曾抱甕汲古井結茅近陰青銅柯
金沙福地許分住莞偈日夕聽伽陀有時延佇詩興劇聳
肩時作松閒哦寒暑推遷歷三紀光陰倏忽如電過前年
霹靂勦魑魅槎枏賸幹盤煙蘿自注樹遭霹靂上半全一
枯惟畱一枝青翠可愛一

校柱再爲誰蔭濃翠下滴鸚鵡螺三庚喜作河朔會碧筒
豪吸顏微酡盤桓竟日情未已屐齒踏遍青苔荆先生詩
格與樟古筆力屈鐵仍阿那騷壇旗幟一手樹懸焰萬丈
光難磨盥手捧讀乏襍露就取樟腦時挾抄

周布衣詹祥一首

詹祥字仲閻號藻臣湘陰人有鑑吾堂賸稿藻臣
年二十四卽卒於諸周中尤爲可惋

春日郊行訪故人不值

尋春忘路遠隨處駐柴車隄柳四五樹村煙三兩家故人
閉戶出落地有梨花久立不忍去歸來日已斜

李秀才道南一首

道南字可北湘陰人諸生有東瀛詩草可北亦有
時名年四十卒臨終作自挽詩有黃泉翻喜故人
多之句詩草未見故錄存甚少

長沙舟次得白髮一莖感而有作

海內誰知已風流憶散仙高歌低落日白髮饒華年壯志
竟如此初心殊未然惟應湘水上來往傍漁船

春日遊藕花庵贈主人羅雲亭時雲亭館余於萬緣

山房

爲我營幽舍擡頭喜見山竹陰當戶直鳥語隔窗閒
靜可娛清景春多上酒顏蕭然忘俗累鎮日掩禪關

寄懷楊木菴先生

近日新詩本分明愛晚唐故人誰見許賤子未爲狂深婉
張員外風流白侍郎傳名吾豈敢聊復述行藏

長沙晚發

九月湘江上扁舟路杳漫夕陽孤棹晚秋水浪花寒作客
心仍壯還鄉夢已闌歸來何所寄轉是到家難

見秋月

白髮三千丈清光十萬家年年見秋月總是在長沙

彭秀才宏愛一首

宏愛字子益一字左海湘陰人諸生有左海詩集

讀書坪

清流迴薄去徐徐中有平原稱讀書屈宋故鄉長望裏文

章開國百年餘續紛古藻和花種淹博經田帶月鋤此處
舊多豪傑士疏慵且勿厭村居

曾秀才浚雲

五首

浚雲字襄臣一字紫垣湘陰人洞莊大令光先之
孫性跡弛嗜酒耽吟與彭左海倡酬甚多皆僚侪
諸生以終詩不多時有警句

田家

清露被林樹靄靄生朝暉農歌起平壤滿目黃雲飛野田
有滯穗頓使鳩雉肥不憚力作苦老稚幸免飢依依八口
家桑柘周牆圍斗酒相娛樂頻年無是非北窗且高臥自
畫挂柴扉

讀史雜感

中說元經自解嘲識丁久已爲書拋銅駝有憾生荆棘鐵
券無心到草茅見說孝廉稱魏武更聞進士舉黃巢司空
空灑新亭淚百口何曾累舊交

紛紛兒女事恩讐戮力神京起壯猷單騎敢邀番部拜布
衣且爲故人畱何嫌此輩登高閣忍使諸君付濁流破楚
功成飛鳥盡漫誇平勃善安劉

胭脂井畔長蒿無一曲新歌一斛珠說到興亡成頃刻事
關性命忍須臾昭儀秘授斜封格僕射新嘗塞上酥回首
六朝金粉地茂陵寒食叫提壺

夜坐

紅蓼花殘最寂寥
流螢空度可憐宵
不知今夜娟娟月
照到淮南第幾橋

俞秀才榮枝 一首

榮枝字花喬 一字平垣
善化人廩生岱青侍御
冑弟早卒遺詩不多爲錄存一首

題陳秋巖柳下撫琴圖

參差楊柳碧於煙
此境翛然別有天
逸韻偶生珠柱上
餘音徐度綠陰前
寥寥風月誰爲主
落落絲桐可證禪
不羨松閒頻寄興
宮商祇藉怒濤傳

李秀才澤潤 二首

澤潤字瞻叔 一字雨蒼
新化人芳園翁之孫年十

六隸於學旋餽二十人中早卒其族弟洽舜卿以
遺稿求選且云比來暄叔入夢甚勤竊欲搜其遺
句附入遺山老子中州集中俾不與草木同腐則
土壤無知之骨銜感當無異生者其言甚哀余感
之爲錄存二首

戎馬一首簡張草堂刺史時刺史隨盧屋山宮保征
徭

戎馬山城動地來 天戈迅掃疾於雷捷書半出袁宏手
軍幕羣推庾杲才滿眼瘡痍待安集百年籌畫重招徠知
公借箸參前席早爲蒼生恤重災

有寄

寥落生涯歲月催
名心激越未全灰
芸窗竟夜勞分火
焦室經年笑鑿坯
薦似聞文舉意
依劉先愧仲宣才
使君拂拭踰常格
早晚相從瀉碧巖

沈澹齋舊集

卷第一百七十三

三

沅湘耆舊集卷第一百七十三終